

Landesbibliothek Oldenburg

Digitalisierung von Drucken

**M. Tvllii Ciceronis XII. Orationes Selectae, juxta
Recensiones optimas emendatae Et cum Notis perpetuis
ac luculentis instar Commentarii ad modum**

Cicero, Marcus Tullius

Lipsiae, 1735

VD18 12833770

Argumentum Orationis pro Archia.

urn:nbn:de:gbv:45:1-18041



M. TVLLII CICERONIS
ORATIONVM XII.
SELECTARVM
LIBER.

ORATIO I.

quae est pro

AVLO LICINIO AR-
CHIA POETA.

Argumentum Orationis pro
Archia.

Syllani & Carbonis lege ciues Romani habeban-
tur, qui adscripti essent foederatis ciuitatibus;
Si tum, cum lex ferebatur, domicilium habuis-
sent in Italia, ac intra LX. dies apud Praetorem
professi essent.

Aulus Licinius Archias, Poëta & homo eruditus, cum
ob ingenium & doctrinam multis praeclaris viris
charus esset, versareturque in domo & familia Lucul-
lorum, auctoritate & gratia L. Luculli, cum quo ex
Cilicia decedens Heracleam, foederatam Romanis ci-
uitatem venerat, impetrauit, ut in eam ciuitatem ad-
scriberetur, & praesente Lucullo adscriptus est.

A

Set

2 ARGUMENT. ORATION. PRO ARCHIA.

Sed quia cum eodem aliquamdiu Roma abfuisset, nec eius nomen inueniretur in Tabulis Censorum, nec Heracleensium, delatus est a Graccho, quasi se falso pro ciue gereret.

Cicero hunc Archiam, olim praeceptorem suum defendit, in magno doctorum studiisque fauentium concursu, apud Praetorem; & dum hoc agit, per elegantem laudat studia litterarum.

Rationes, quibus eum defendit, sunt: quod sit adscriptus; quod Lucullus, & Legati Heracleenses id confirment; quod tabulae Heracleensium, unde id constaret, Bello Italico exustae, quod professus sit apud Praetorem Metellum; denique eum purgat, quod a Censoribus non sit census.

Stylus seu dicendi character multum ad sublimitatem accedit, quia in laude studiorum multum versatur.

Genus tamen totum est Iudiciale, etsi multum etiam habet a Demonstratiuo. Est enim accusator, Gracchus; est reus, Archias; est patronus, Cicero; est Iudex; & laus Archiae & Poëseos non nisi iudicio comparata, & is finis est.

Status causae est: quod Archias sit Ciuis Romanus.

Habet haec Oratio Exordium, Narrationem, Confirmationem, admixta breui Confutatione, & excursu ad laudem personae accommodata & Confirmationi mire consulente; denique etiam Perorationem.

Oratio habita est anno V. C. DCXII. M. Pupio Pisone & M. Valerio Messala Coss. annum agente Cicerone XLVI. & Archia LVIII.

Euentus sine vlla dubitatione fuit felix, & Archias pro Ciue habitus.

M. TVL-

M. TVLLII CICERONIS
 ORATIO I.
 PRO A. LICINIO
 ARCHIA POETA.

CAPVT I.

SI quid est in me ingenii ¹, Iudices, quod sentio quam sit exiguum, aut si qua ² exercitatio dicendi, in qua me non infior ³ mediocriter ⁴ esse versatum ⁵, aut si huius rei ⁶ ratio ⁷ aliqua ab optimarum artium studiis & disciplina ⁸ profecta ⁹, a qua ego nullum confiteor aetatis meae tempus abhorruisse ¹⁰: earum rerum omnium vel imprimis ¹¹ hic Aulus Licinius fructum ¹² a me repetere ¹³ prope suo iure deber. Nam quoad longissime ¹⁴ potest mens ¹⁵ mea respicere spatium praeteriti temporis, & pueritiae memoriam ¹⁶ recordati vltimam ¹⁷, inde

¹ Quod si ego in studiis aliquid hactenus profeci. ² Si aliqua mihi est peritia in dicendo. ³ nego. ⁴ quodammodo. ⁵ exercitatum. ⁶ huius dicendi peritiae & artis. ⁷ modus, facultas, certa confirmatio, *ein recht Geschickte*. ⁸ Philosophia. ⁹ est, proflexit. ¹⁰ quo ego delectatus sum iam vsque a pueritia mea. ¹¹ prae caeteris omnibus meis doctoribus. ¹² emolumentum, commodum. ¹³ rursus petere, vindicare sibi. ¹⁴ in quantum, *so weit zurücker*. ¹⁵ memoria. ¹⁶ tempus. ¹⁷ primum.